

538:

MAHATHIR

1974

JITRA, 21 OGOS (BERNAMA)—KIRA-KIRA 39 PERATUS MEHASISWA MELAYU DI UNIVERSITI-UNIVERSITI DI NEGARA INI TERDIRI DARI KELUARGA MISKIN DI LUARBANDAR, KATA Pengerusi FIMA, DR. MAHATHIR MOHAMAD.

PELUANG-PELUANG BAGI ANAK-ANAK MISKIN BELAJAR DI UNIVERSITI SEPERTI YANG TERDAPAT SEKARANG INI TIDAK ADA SEMASA PENJAJAHAN BRITISH DULU, KATANYA LAGI.

DR. MAHATHIR, CALUN BARISAN NASIONAL BAGI KAWASAN PARLIMEN KUBANG PASU, YANG MENANG TANPA BERTANDING MENYATAKAN INI DALAM SATU RAPAT UMUM DI TANDOP BATU 20, JALAN JITRA-KODIANG, KIRA-KIRA LAPAN BATU DARI SINI MALAM TADI.

RAPAT UMUM ITU DIADAKAN BAGI MENYOKONG CALUN BARISAN NASIONAL KAWASAN NEGERI TUNJANG, ENCIK ISMAIL HANAFI YANG DITENTANG OLEH DUA ORANG CALUN LAIN - ENCIK KASSIM (A) OSMAN AHMAD (PSRM) DAN HAJI YUSUF ISHAK (BEBAS). — BERSAMBUNG HM 1441

539:

MAHATHIR - 2 JITRA

DR. MAHATHIR BERKATA, TUDUHAN KONONNYA KERAJAAN TIDAK MEMBERI BANTUAN SECUKUPNYA UNTUK PELAJARAN YANG DIBUAT OLEH PARTAI SOSIALIS RAKYAT MALAYA ADALAH TIDAK BERASAS SAMA SEKALI.

MENGENAI RANCANGAN FELDA, DR. MAHATHIR BERKATA, BERIBU-RIBU RAKYAT MISKIN TELAH MENDAPAT FAEDAH DARI RANCANGAN TERSEBUT DENGAN PENDAPATAN YANG LUMAYAN.

KATANYA, FELDA MERUPAKAN ESTET YANG TERBESAR DIMALAYSIA DAN MELEBIHI DARI LADANG-LADANG ORANG ASING DI NEGERI INI.

DI KEDAH SAJA, LUAS LADANG MILIK ORANG ASING TIDAK SAMPAI 100,000 EKAR DAN TIDAK MENCIKUPI UNTUK DIRAMPAS DAN DI BERI KEPADA RAKYAT, KATANYA. — BERSAMBUNG HM 1443

540:

MAHATHIR 3 - JITRA

DR. MAHATHIR MEMBERITAHU, PERJUANGAN PARTAI SOSIALIS RAKYAT TIDAK BERASAS DAN TIDAK DAPAT MENOLONG RAKYAT MISKIN.

PARTI ITU JUGA, KATANYA, TIDAK PUN MENGUTUK KEKEJAMAN KOMUNIS YANG MEMBUNUH TIGA ORANG PEKERJA LEBUHRAYA TIMUR-BARAT YANG TIDAK BERSENJATA BARU-BARU INI. —BERNAMA HM 1442